



## dr atom-unggle

(übertreit nach em Boris Vian: *La java des bombes atomiques* )

**Text: Hans Jürg Zingg / Boris Vian**

**Melodie: Alain Goraguer**

**Begleitimprovisation: Edwin Peter**

my unnglen isch es chlys schenie  
u sys speziauhobby  
isch ds baschtle vo A-bombe  
di ganzi zyt won är het frei  
hockt är elei dehei  
i syre katakombe  
dert pröblet är u grüblet är  
dasume wi ne schär  
a synen experimänt

u de verzeit är üs bim znacht  
u fuchtlet mit de händ  
was är hüt aus het gmacht:

*A-bombe z fabriziere  
i tue nid plagiere  
chinder 's miech mer keini sorge  
dr sprängchopf giut aus kompliziert  
i ha ne konschtruiert*

*dä morge vor em zmorge  
für d H-bombe das mues me gse  
da brucht's chly öppis me  
doch eis isch gopfertami  
dr sprängbery ch vo my ne gschoss  
isch nur fünf meter gross  
u gloubet mer das ma mi!  
öppis chlemmt da auem a  
mues sofort derhinder ga!*

drei wuche lang het är gstudiert  
mit liebi aus probiert  
für das malör z behäbe  
am schönschten isch's jewyle gsi  
sy schaffensenergie  
bim zmorgetisch z erläbe  
mir hei's a sym züntrote tüppu  
gse dä het e chnüppu  
hei nüt dörfe säge  
aber ufzmau steit er uf  
rüeft us u läärt drwäge  
ds gaffetassli us

*o i elände tropf  
was han i ächt im chopf  
isch's pudding oder wyssi sosse  
da lis i tuusig büecher  
u bi doch nid früecher  
uf di houpterkenntnis gtosse  
ha jahrelang gstudiert  
di bombe perfektioniert  
u mir derby nie überleit  
syg ihre sprängberych  
o chly das isch doch glych  
was zeut isch wo si häregheit  
öppis chlemmt da auem a  
mues sofort drhinder ga*

sisch sowyt a syr demonschtrazion  
isch jedi wäutnation  
dür höchshti tier vrträte  
är het se mit em nätte satz  
*s het leider nid viu platz*  
i syni bude bbätte  
si hei sech zämegla wi schaf  
un är het gseit *syt brav!*  
het d tür vo usse bschlosse

-----  
u wo di bomben explodiert isch gsy  
hei au di grosse lüt nümm exischtiert

uf das ergäbnis abe hei  
di würscht vor tschuggerei  
dä ma eifach yglochert  
itz schteit är vor em bundesgricht  
won är mit bleichem gsicht  
uf syni unschuud pochet:  
*me redt bi üs scho sit me rung  
vo gsamtverteidigung  
das heisst doch chlei umgwandelt  
dass wär nid zu üs schwyzer ghört  
e find isch won is schtört  
u dämna han i ghandlet*

ds gricht het grossi zwyfu gha  
me het ihm zwänzg jahr ggä  
u druf di schtraf erla  
u spontan het ds parlamänt  
däm ma grad übergä  
ds MILITÄRDEPARTEMÄNT

(1975)

Erstpublikation: LP *Improvisatiren*, 1979